



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Vitae Sanctorvm**

complectens sanctos Mensium, Ivlivm Avgvstvm & Septembrem

**Lippeloo, Zacharias**

**Coloniae Agrippinæ, 1603**

Illvstre Martyrivm SS. Lvciaë, & Geminiani: Ex eo quod est ab Adone  
Treurorum Archiepiscopo conscriptum.

**urn:nbn:de:hbz:466:1-42728**

*En admirabilem felicissimamque fratrum mortem.*

*Obitus sancti viri.*

didit: altera verò hora sexta pari ratione mortalitatis vinculis soluta è corpore migravit: & rursus tertia, tribus deinde post horis è corporeis ergastulis ad eandem beatitudinis gloriam tetendit: Vespere autem factò, subsequenter pars quarta, facta oratione, spiritum reddidit. Post quorum sepulturam, eorumque, qui se relictos dolebant, exhortationem & consolationem sanè suauissimam, vir diuinus & ipse in lectulum cilicio constratum se collegit: atque ita eleuatis in cælum oculis spiritum Deo reddidit, 17. Kalend. Octobris.

*Vide & Notat. C. Baron. in Martyr. Roman.*

*16. Septem.*

*Fuit is Christi Domini 296. Caij Papæ 13.*

*Lucia Vidua etas deuecta.*

*Judith. 8.*

*Hortatur filium Euprepium, ad Christum confitendum.*

*ILLVSTRE MARTYRIVM SS. LUCIAE, & GEMINIANI: Ex eo quod est ab Adone Treuirorum Archiepiscopo conscriptum.*

**C**ONSVLIEVS Diocletiano octies & Maximiniano septies, in vrbe Roma, anno Imperij eorù a tercio decimo, tam seua in Christianos exarsit persecutio, vt vix quispiam, truculenta morte vbiq̃ue præposita, Christi nomen proferre auderet. Erat eadem illa tempestate insigni pietate matrona, Lucia nomine, annorum plus minus 75. cum alijs virtutibus cunctis spectabilis, tum eo nomine imprimis illustris, quod annos admodum 36. in viduitate constituta, illustrissimæ illius heroinæ Judith virtutes miro pietatis ardore æmularetur.

Hæc igitur, audito crudeli Imperatorum edicto, mox filium, qui Euprepius appellabatur, hortari cepit, vt vnâ secum, spretis dæmonum simulacris & vanis idolis, Christum Iesum con-

confiteretur, & gloriosum, si opus esset, pro illius nomine certamen subiret. At ille, à materna pietate planè degener concito cursu ad Imperatores abiit; matremque (prò scelus) religionis Christianæ accusauit. Diocletianus verò subitò mentis furore correptus, confestim misso ad ædes eius Iebale assessore suo, iussit eam adduci. Porrò Iebal domum ingressus, Iouis quoddam simulacrū ibi statuit, vt ei thura offerret. At Christi ancilla eo Iebalis scelere offensa, simulacrum execrans, ilicò domo egressa est; Christi sanctissimum numen obtestans, se polluta limina domus nunquam deinceps prætergressuram: sed mortem pro illius gloria, qui eam sacrosancto sanguine redemerat, fortiter & constanter opetituram.

Igitur Iebale ductore ad Diocletianum peruenit, q̄ regali in folio residēs, auroque & purpura fulgens, venientem his verbis affatus est: Audio te sacrilegam reum illum Crucifixum confiteri, deosque nostros irridere. Nunc igitur si parata es viuere, parati sunt & dii vt thura eis offeras, vt possint tibi esse propitij: & viuas. Respondit Lucia: Nec sibi sunt propitij, nec cultoribus suis. Nam mihi propitiabitur Christus Iesus, pro cuius amore parata sum ignem, vincula, & quas volueris pœnas sufferre. Audiens Diocletianus constantiâ fidei eius, iussit eam in tetrum abduci carcerem: ybi consolatione cælesti recreari meruit.

Paucis deindè post diebus ad Diocletianum reducta, cum pari constantia Christianam religionem prædicaret, gloriosa fœmina humili prostrata fustibus diutissimè cæsa est. Cumque

*Accusat ille matrem.*

*Egregia matronæ pietas.*

*Siffitur Diocletiano.*

*Constantia  
& fortis ei  
animus.*

*Ceditur fustibus.*

000 2 hinc

hinc indè crudeles & impij tortores ei insultarent, & illa tota mente precibus intenta omnipotentem inuocaret, eccè subito ingens terramotus exoritur; ac terribili fragore templum Iouis subuertit: prorsus vt lapidibus in minutissima fragmenta comminutis, cuncti extremum exitium vehementer formidarent. Diocletianus autem maiore furore incandescens, lebetem æreum adduci præcepit; inque eum, pice & plumbo horribiliter bullientem, sanctam Christi martyrem demergi: vbi casta & sancta matrona toto admodum triduo illæsa consistens Christo psallebat.

*In lebete  
candenti tri-  
duò illæsa  
consistit.*

*Ducitur pla-  
teatim ferro  
onerata.*

Nemo non in cineres & fauillas eam redactam credebat: sed vt Imperator eam saluam & incolumem intellexit, vix mentis sue præ furore compos; iussit eam ferro & plumbo oneratam per plateas ad ludibrium duci.

*Geminianus  
fit Christia-  
nus ex idolo-  
latra.*

Erat in Vrbe vir præpotens Geminianus nomine; cuius domus simulacrorum multitudine & ornatu celebris habebatur. Cuius ædes Lucia cum pertransiret, fertur niuei candoris columba cælitus super Geminiani caput delapsa tertio resedisse. Ea re homo idololatra ita repente animo immutatus est, vt sui suorumque oblitus concito cursu ad locum, in quo sancta Dei pro Christi nomine decertabat, torquebaturque, properaret, seseque eius pedibus prosterneret, & multis cum lachrymis baptismi lauacrum flagitaret. Stupebāt ad tantam rei nouitatem omnes, quod cernerent præcipuum idolorum cultorem diuitijs & gloria inclytum Luciam pedibus prostratum, & infimis precibus Christiana sacra cum præsentis capitis peri-

periculo postulantem. Et quidem Lucia vna cū  
Geminiano mox ad carcerem abrepti fuere, vt  
exquisitissimis supplicijs ad aliorū terrorem  
afficerentur.

*Lucia &  
Geminianus  
carceri n. a. r.  
cipantur.*

Porrò eadem in Vrbe erat quidam Protasius  
nomine, insigni pietate & prudentia sacerdos;  
cui nocte Angelus Domini apparens sedulo  
mandauit, vt iret festinus ad carcerē, & Gemi-  
nianum fontem sctutis requirentem lustraret.  
Abijt ille summa cum festinatione, & Gemi-  
nianum lymphis salutaribus non modo abluit  
sed cunctis, qui eo ergastulo pro Christi nomi-  
ne clausi tenebantur, animum addidit confir-  
mauitque, alacriter certamen expeterent.

*Protasius sa-  
cerdos et m  
baptizat.*

Tertium post diem Imperator, quòd de Ge-  
miniano audisset, iussit eum vnà cum Lucia ad-  
esse & Christianæ professionis palinodiam ca-  
nere. At ille Christi gratia præclarè roboratus  
minantem æquè ac supplicantem spreuit Ty-  
rannum; nihilque sibi delectabilius esse, quàm  
cum Christi martyre vltimum subire suppli-  
cium, constanter respondit. Tum verò Impera-  
tor omnibus tormentorum machinis admotis  
grauissimè eos afflixit, torfitque ad satietatem:  
ac postremò peruersissimo cuidam tradidit Iu-  
dici: vt is, quod deerat poenarum, furibunda  
mente suppleret.

*Lucia &  
Geminianus  
exhibentur  
Diocletiano.*

*Torquentur  
dixit marty-  
res.*

Qui primò fustibus ceruices eorum contun-  
di iussit. Sed cùm homo nefarius in suo scelere  
exultaret, & Christi athletic impiè insultaret,  
mox terræmotus domum iudiciariam à fun-  
damentis subuertit, ipsumque iudicem misera-  
biliter oppressit. Neque tamen eo miraculo  
Imperatoris furor quieuit; sed protinùs homo

*Vltio diuina  
in crudelem  
Iudicem.*

crudelis Abofrasio sanctos martyres exhibuit: qui cum varijs supplicijs & diabolicis artibus sanctos à Christi confessione abducere nitentur, & illi interim stupendis virtutibus & miraculis clari dæmonis insidias fraudesque eluderent, alij quinque & septuaginta, sanctorum martyrum virtutibus permoti, sua Christo nomina dedere; qui protinùs ad martyrij gloriã perueniunt. Cæterum impijssimus Iudex, fuso martyrum sanguine, cum gloriabundus inequitarer, equus eius à dæmone incitatus de ponte in flumẽ eum præcipitem dedit; vbi anima ad inferos delata est, & corpus nullo unquam loco repertum. Lucia verò & Geminianus, à Megalio viro consulari arctati, post gloriosa certamina martyrij palmam capitis abscissione promeruerẽ xvi. Kalend. Octob. Quorum corpora, eximia pietate ac religione matrona Maxima, clam subducta honorificè tumulauit.

*Alij 75. credunt in Christum: & protinùs martyria coronantur.*

*Alius seuus Iudex misere perit.*

*S. Lucia cum socio decollatur.*

*Vide C. Bar. in Notat. ad Martyr. Rom.*

*16. Septeb. Patria & Parentes eius.*

VITA S. EDITHAE VIRGINIS: REGIS Anglorum Edgari filia. Ex ea qua habetur fide optima apud V. P. Laurent. Sur. Claruit circa annum Domini nongentesimum octogesimum.

EDGARVS Anglorum Rex cum Vulftrudem regij ducis filiam perpetuam regni consortem sibi eligere decreuisset, suscepit ex ea filiam haud contemnenda specie virginem: cui Edithæ nomẽ in sacro fonte imposuit. Porrò Vulftrudis à partu absoluta, cum deinceps continentiaẽ studium sectari quã carnis